


# DECRETA<sup>12</sup> GENERALIA

Ad Regularium reformationem, ac Nouitiorum receptionem, professionem, & institutionem spectantia aliàs facta, & publicata,

MI  
S. D. N. D. PAVLI  
DIVINA PROVIDENTIA PP. V.  
iussu nuper ædita.

---



---

R O M A E,  
Ex Typographia Reu. Camerae Apostolicæ. 1607.

123474397

DECRETUM  
GENERALIUM

Ad Resolutionem reformationem, ac Novissimam  
tam receptionem, protectionem, & iuris-  
tationem spectantis alius facta,  
& publicata,

M. D. C. LXXII.  
D. N. D. PAVLI  
DIVINA PROVIDENTIA P. P.  
in illis super rebus.



# Decreta fel. rec. Clementis PP. viii:

De Nouitijs ad habitum Regularem, & professionem non admittendis nisi in Conuentibus designandis.

C L E M E N S P A P A V I I I .

**R**egularis disciplinæ restitutioni, pro qua potissimum iuxta nostri muneris debitum laborare non desistimus, illud in primis magnum impedimentum afferre quotidiano vsu compertum est, quòd in omnibus Conuentibus, ijs præsertim, qui maiori reformatione indigent, singuli ad Religionem venientes passim recipiuntur.

Vnde fit, vt quò magis nos varijs constitutionibus malè affectas radices amputare studemus; eò magis in dies deprauata, infructuosæq; eiusmodi nouiter profitentium succrescant. Cui quidem malo occurrere volètes, præsentì Decreto statuimus, districtèq; præcipimus omnibus Generalibus, Prouincialibus, Commissarijs, Ministris, cæterisq; Superioribus Conuentuum intra Italia, & Insularum adiacentium fines existentium quibuscūq; , & quorūcūq; ordinum Mendicantiū, vt de cætero neminem sub quouis prætextu, aut colore ad habitum regularem admittant, nisi in Conuentibus auctoritate nostra prope diem in vnaqua; Prouincia designandis. Insuper sancimus, vt quoad eiusmodi Conuentus, vt præfertur, per nos deputati non fuerint, omnes præfatorum Ordinum Superiores à receptione quorūcūque Nouitiorum, siue ad habitum, siue ad professionem omnino abstineant. Superior, qui huius Decreti transgressor extiterit, ipso facte pœnam priuationis omnium officiorum, quæ tunc obtinebit, vocisq; actiuæ, & perpetuæ inhabilitatis ad alia in posterum obtinenda, renouerit incurrisse, ac alijs etiam pœnis arbitrio nostro subiaceat. Receptiones verò, & professiones quaslibet eorum, qui contra huiusmodi Decretum nostrū admissi fuerint, nullas, & irritas esse ex nūc declaramus, & declaramus. Priuilegijs, statutis, & consuetudinibus quibuscūq; in contrariū minimè obstātibus. Dat. Romæ die 12. Martij 1596

# Renouatio, & ampliatio eiusdem Decreti.

## De Nouitijs ad habitum Regularem non recipiendis nisi in Monasterijs, & locis designandis.

**S**anctissimus in Christo Pater, & D. N. D. Clemens Diuina pro-  
uidentia Papa VII. cum iamdudum animaduēteret collapsæ  
Regularis disciplinæ restitutioni, pro qua potissimum, iuxta sui mu-  
neris debitum, vigilare, ac laborare non desistit, illud in primis ma-  
gnum impedimentum afferre; quòd in omnibus Monasterijs, & Con-  
uentibus, ijsq; præsertim, qui maiori indigent reformatione, singuli  
ad Religionem profitendam accedentes, passim, ac sine delectu re-  
cipiuntur; ac inde fieri, vt quò magis varijs constitutionibus malè af-  
fectas radices euellere studet, eò magis infructuosa nouiter profiten-  
tium germina quotidie succrescant; cumq; ob zelū, ac desiderium, quo  
tenetur Sanctitas Sua, omnes Regulares ad vetus suæ cuiusque Reli-  
gionis institutum redigendi, districtè prohibuerit, ne quis in certis  
Monachorum, & Mendicantium Ordinibus ad suscipiendum habitū  
Religionis admitteretur, profiteretur, quousq; Monasteria, & Con-  
uentus aliquot destinarentur, in quibus posset commodius regularis  
obseruantia, secundum reformationem à Sanctitate Sua institutam,  
introduci: Quia tamen, non obstante tali prohibitione, cognouit nō-  
nullos fuisse, vel sub colore facultatis, & licentiæ à Sanctitate Sua ob-  
tentæ, vel quia talis prohibitio ad illorum notitiam non peruenerit,  
receptos, & admissos, præter mentis suæ sensum. Idcirco huic malo  
prospicere volens, ne licentiarum, ac facultatum huiusmodi subrep-  
tionem, ac prætextu, Decretum Sanctitatis Suæ irritum reddatur; Nūc  
denuò districtè præcipit, ac mandat omnibus Generalibus, Prouincia-  
libus, Commissarijs, Ministris, Præsidentibus, Abbatibus, Prioribus,  
& Guardianis quibuscunq; cæterisq; Superioribus, Conuentuum,  
Monasteriorum, ac Domorum quocunq; nomine appellentur, intra  
Italiam, & Insularum adiacentium fines existentium, quorumcunq;  
Ordinum Mendicantium, & nō Mendicantium (exceptis tamē Car-  
thusianorum, Fratrum Minorum de strictiori obseruantia, necnō Ca-  
puc-

puccinorum Sancti Francisci, Reformatorum Sancti Dominici, Discalciatorum Ordinis Carmelitarum, necnon Fratrum Cōgregationis Foliensis, Cisterciensis Ordinis, ac Eremitarum Eremiti Camaldulēsis, & Montis Coronæ, Clericorum Regularium Theatinorum, Societatis Iesu, Sancti Pauli Decollati, & aliorum de Somascha, Ministrorum infirmorum, respectiue Ordinibus, Societatibus, seu Congregationibus nuncupatis, quæ etiam antea exceperat, & nunc iterum excipiendo, voluit prohibitionem hanc ad illa nullo modo extēdi; ) Ne sub cuiusvis licentiæ, & facultatis impetratæ, vel impetrandæ obtentu, nisi per literas in forma Breuis dumtaxat, & non aliàs quemquam ad habitum Regularem suscipiendum, nec etiam conuersos, nisi in Conuentibus, Monasterijs, & Domibus, auctoritate eiusdē S. D. N. prope diem in vnaquaq; Prouincia designandis, recipere aut receptos ad professionem admittere vlllo modo audeant. Quinimo contra primam prohibitionem Sanctitatis Suæ receptos, etiamsi imperfectum habitū, aut sine caputio gerāt, post præsentis Decreti in Romana Curia publicationem, omninò eiicere debeant.

Superiorem autem, qui huius Decreti transgressor extiterit, ipso facto pœnam priuationis omnium officiorum, quæ tunc obtinebit, vocis actiuæ, & passiuæ, & perpetuæ inhabilitatis ad alia in posterum obtinenda, eo ipso incurrere voluit, ac decreuit, & alijs etiam pœnis arbitrio Sanctitatis Suæ imponendis subiacere.

Receptiones verò, & professiones quaslibet eorum, qui contra huiusmodi Decretum admissi fuerint, nullas, & irritas esse ad quemcunq; effectum, ex nunc decernit, & declarat.

Hoc autem Decretum noluit Sanctitas Sua eos Ordines cōprehendere, qui Cōuētus, Domos, & Monasteria à se probata pro Nouitiorū receptione, & educatione, hæctenus permissioe sua constituerint.

Cæteras verò licentias, siue particulares, quæ in hanc diem effectū non sunt sortitæ, reuocat, & annullat.

Vult autem Decretum hoc suum in solitis locis Urbis publicatum ita prædictorum singulos afficere, ac si cuilibet personaliter fuisset intimatum, Priuilegijs, Statutis, & Constitutionibus quibuscunq; in contrarium minimè obstantibus.

Datum Romæ apud Sanctum Marcum, Die x x. Mensis Iunij.  
M. D. X C I X.

# Decreta pro Reformatione Regularium, tam Monachorum, quàm Mendicantium cuiuscunq; Ordinis, & instituti.

CLEMENS PAPA VIII.

3 **N**ullus omninò prætextu cuiuscunq; priuilegij, vel superioritatis, etiam Generalatus, à seruitio chori censeatur immunis, nisi pro tempore, quo quis in proprij officij munere actu fuerit occupatus. Cùm Lectoribus autem, & Prædicatoribus Superiores ijs tantum diebus, quibus eos legere, aut prædicare contigerit, dispensare possint; Idem quoq; præstare valeant cum ægrotis, & studiorum causa legitimè impeditis. In eos verò, qui negligentes, aut inobedientes fuerint, salutari penitentia Superiores animaduertant ad præscriptum Regulæ, & Constitutionum, alimenti etiam, si opus fuerit, subtractione.

Lectio Sacræ Scripturæ, vel Casuum conscientiæ bis in hebdomada præscriptis diebus in singulis Monasterijs, & Conuentibus habeatur, ad quam fratres omnes conueniant, eaq; absoluta, mutua collatione circa explicatam doctrinam sese utiliter exerceant.

Quò Tridentini Concilij Decreta de Paupertatis voto custodiendo fidelius obseruentur; Præcipitur, vt nullus ex fratribus, etiam si Superior sit, bona immobilia, vel mobilia, aut pecuniam, prouetus, census, eleemosynas, siue ex concionibus, siue ex lectionibus, aut pro Missis, tam in propria Ecclesia, quàm ubicumque celebrandis, aliove ipsorum iusto labore, & causa, & quocunque nomine acquisita, etiam si subsidia consanguineorum, aut piorum largitiones, legata, aut donationes fuerint, tanquam propria, aut etiam nomine Conuentus possidere possit, sed ea omnia statim superiori tradantur, & Conuentui incorporentur, atque cum cæteris illius bonis, redditibus, pecunijs, ac prouentibus confundantur, quò communis inde victus, & vestitus omnibus suppeditari possit.

4 Neque Superioribus, quicunq; illi sint, vlllo pacto liceat eisdem fratribus, aut eorum alicui bona stabilia, etiam ad vsumfructum, vel vsum, administrationem, aut commendam, etiam depositi, aut custodiæ nomine concedere.

5 Eorum verò, quæ ad necessitatem concessa erunt, nullus quicquam

quam possideat, vt proprium, neque vt proprio vtatur .

- 6 Qui in præmissorum aliquo deliquerit, pœnas, ne dum à Concilio Tridentino præscriptas, sed alias quoque multò grauiores, superiorum arbitrio imponendas, incurrat .
- 7 Nulla quorumcunq; superiorum dispensatio, nulla licentia, quàm ad bona immobilia, vel mobilia fratres excusare possit, quo minus culpæ, & pœnæ ab eiusdem Concilij Decretis impositæ, & ipso facto incurrendæ, obnoxij sint, etiamsi Superiores asseuerent huiusmodi dispensationes, aut licentias concedere posse, quibus in ea re fidem minimè adhiberi volumus .
- 8 Fratrum vestitus, & suppellex cellarum ex communi pecunia cõparetur, & omninò vniformis sit fratrum, & quorūcunq; Superiorū, statuiq; paupertatis, quā professi sūt, cõueniat: ita vt nihil superflui admittatur; nihil etiā, quod sit necessariū, alicui denegetur .
- 9 Quæcunq; fratrum vestes, siue lanæ, siue lineæ, omnisq; alia suppellex in aliquem commodum Conuentus locum deferantur, ibiq; ab vno, vel duobus fratribus huic muneri deputatis diligenter custodiantur, vt inde Superioris arbitrio, prout vnicuiq; opus fuerit, subministrari opportunè possint .
- 10 Omnes etiam superiores, quicumq; illi sint, eodem pane, eodem vino, eodemq; obsonio, siue eadem ( vt aiunt ) pitantia, in communi mensa prima, vel secūda, nisi infirmitatis causa impediti fuerint, vescantur; neque singulare aliquid, quo priuatim quisque in cibum vtatur, vllo modo afferri possit. si quis in ea re peccauerit, nihil ea die alimenti percipiat, nisi panem, & aquam .
- 11 Superiores omnes, etiam Generalis, qui redditus, aut præstationes peculiare ratione officiorum habent, eorum accepta, & expensã in libro distincto fideliter, & diligenter adnotari curent, neque in alios vsus, quàm ratione officij sui necessarios, quicquàm expendant. Cū verò contigerit ipsos in aliquo Cõuentu commorari, eam pecuniæ quantitatem in commune conferant, ex qua sibi, & ijs, qui secum erunt, victus ad præscriptū Regulæ, & Constitutionū suppeditetur .
- 12 Nullus ex Superioribus locorum, administrationem bonorum, aut aliarum rerum, dispensationemq; pecuniarū, & reddituum sui Cõuentus, etiam nomine conuentus, per se ipsum habere, siue exercere possit; sed vniuersum id onus tribus fratribus eiusdem Cõuentus à Generali ita demãdetur, vt vnus rerum, & bonorum, reddituumq;

colligendorum, ac exigendorum curam habeat; alter tanquam Depositarius, pecunias, ac cetera ab illo collecta, & exacta fideliter asseruet; alius de pecunijs, & rebus à Depositario acceptis Priori, & fratribus, ac Conuentui vniuerso de necessarijs, mandante tamen ipso Priore, non secundum proprium affectum, sed iuxta charitatis regulam, veluti bonus dispensator provideat, officiorum huiusmodi confusione penitus interdicta.

13 Cæterum hi tres tam impensi, quàm accepti singulis mensibus Superiori locali adhibitis etiam duobus, vel tribus fratribus eiusdem Conuentus probatoribus, rerumq; vsu peritis, rationem reddant. Deinde ipsimet rursus, præsentibus Priore, & peritis prædictis, Generali, cum aduenerint: denique ipse Generalis, in quolibet proximo Capitulo Generali saltem coram tribus iudicibus, ab ipso Capitulo ad hoc constitutis illorum omnium, vniuersamq; suæ administrationis tam publicæ, quàm priuatae rationem reddere teneatur, cuius etiam exemplum autenticum ex actis Capituli describatur, ad hoc, vt ad omne mandatum nostrum, vel Sedis Apostolicæ Romam transmitti possit.

14 In vno quoque Conuentu, fratrum is tantum deinceps constituitur, & in posterum retineatur numerus, qui ex redditibus illius proprijs, vel ex cõmunibus consuetis, vel etiam singulorum elemosynis, alijsvè quibuscũq; obuentionibus in commune (vt præfertur) conferendis, commodè possit sustentari: redditus verò, & supradicta omnia in communi loco, ac tuto diligenter asseruentur.

15 Superioribus autem, ne Concilij Tridentini, aut hæc nostra Decreta declarare, interpretari, aut relaxare vlllo modo possint, omninò interdiciamus, & prohibemus, decernentes irritum, &c. si quis autem contra præsumpserit attentare, is eo ipso omni gradu, officioq; priuatus, & ad ea perpetuò inhabilis existat.

16 Nullus nisi actu legat, vel prædicet, aliquo sui gradus priuilegio gaudeat.

17 Si alicui ex necessaria causa, Generalis iudicio probanda, socius ex eodem ordine, qui illi ministret, concedendus erit, is nisi vigesimũ quintũ agat annũ, & qui communi seruitio sit deputatus, non concedatur, & si commodè fieri potest, sit Laicus Conuersus.

18 Vt omnis scandalorum, & vagationis occasio tollatur, Conuentus clausura perpetuò, ac diligenter seruetur, ac propterea à Superiore



- riore Ianitor constituatur, qui diligentia, ac morum integritate maxime commendetur: is ianua custodienda semper assistat, eamque nemini fratrum aperiat, nisi socium, & exeundi licentiam obtinuerit.
- 19 Nullus à Conuētu egredi audeat, nisi ex causa, & cum socio, licentiaq; singulis vicibus impetrata, ac benedictione accepta à Superiore, qui non aliter eam concedat, nisi causa probata, sociumq; exituro adiungat, nō petētis rogatu, sed arbitrio suo, neque eundē sapius. Licentiæ verò generales exeundi, nulli omnino concedatur.
- 20 Contrauenientes autem pœna graui, etiam carceris ad Superioris arbitrium plectantur, eandem etiam Ianitor subeat, si sciens exeundi facultatem fecerit.
- 21 Cùm autem quis in Conuentum reuertitur, Superiorem iterum adibit, benedictionem recepturus, qui à socio itineris rationem, & quid rei actum sit, diligenter perquirat.
- 22 Nullos fratres Romā venire superiores permittāt, nisi prius à Generali, vel Protectore duntaxat licentiā in scriptis impetrauerint.
- 23 Si quis autem sine huiusmodi facultate Romam venire præsumperit, voce actiua, & passiuā biennio priuatus existat, subiturus etiā alias arbitrātu Superiorum infligendas pœnas. Quæ item omnia aduersus eos, qui supradictos admiserint, & receperint, sine vlla exceptione locum habeant.
- 24 Habeat Superior clauem ira fabrefactam, vt cùm sibi videbitur, cellas omnes referare possit, & propterea nullus cellam, etiam noctu ita claudat, quin semper à Superiore possit aperiri.
- 25 In medio Dormitorij totam noctem lampas coluceat.
- 26 Nullus etiam Superior cellas siuè in claustro, siuè alibi separatas à communi Dormitorio habeat, sed vnusque vnica cella, eadem cum ceteris aliorum fratrum coniuncta, nudis omnino parietibus, ac lecto, & mensa humilibus, vniformique suppellectili (vt præfertur) quemadmodum Religiosos decet, contentus sit. possit tamen Generalis alicui ex Superioribus Conuentuum, si eorum muneris, & officij necessitatem id exigere cognouerit, alteram etiam cellam concedere.
- 27 Cellæ, siuè ediculæ, quæ extra Dormitoriū separatim sūt, ad officinas, aut alias ad cōmunē vsū, & cōmoditatē Cōuētus redigantur.
- 28 Sigillatim suo quisque lecto cubet, neque vllibi duo eodem lecto dormire possint, qui omnes ad certam formam redigendi erunt.

- 29 In priuatis cellis nulli camini permittantur, sed omnes obstruantur statim, cardinibus etiam è parietibus conuulsis, vt res illa non ad tempus facta, sed perpetuò duratura videatur, cellis tamen Generalis, aut alterius Superioris, ac Predicatoris exceptis.
- 30 Conuentus fenestræ omnes, quæ in vias publicas, aut in vicinas laicorum ædes prospiciunt, muro ita obstruantur, vt omninò is prospectus impediatur.
- 31 Valetudinarium in singulis Conuentibus certo, ac salubriori loco constituatur, quod pro loci situ, ac fratrum numero, quoad fieri poterit, commodissimum esse possit; in quo fratres omnes, cum ægrotabunt, curentur, nec inde nisi recuperata sanitate, abire permittantur. Qui verò infirmorum curæ præpositi sunt, omni sedulitate, ac charitate operam suam præstabunt, ac curabunt, ne quid ægrotis omninò desit, quod ad sanitatem recuperandam pertineat.
- 32 Ineat ratio, qua, sublati licentijs ac facultatibus hætenus quibuscūq; concessis, degentes extra Cōuentus claustra, ad ea quàm primum reuocentur, nec de cætero, nisi ex grauissima causa à Sede Apostolica probanda, huiusmodi facultates concedi possint.
- 33 Nulli in posterū ad habitū, aut professionē admittantur, nisi in Cōuentibus per sedem Apostolicā in qualibet Prouincia deputadis.
- 34 Curent superiores, vt Constitutio interdicens largitiones munerum, & præscribens hospitalitatis formam ab omnibus in quolibet Conuentu inuiolabiliter obseruetur.
- 35 Vt omnis officiorum ambitus occasio præcludatur, caueant omnes à directa, vel indirecta vocum, seu suffragiorum procuracione tam pro se ipsis, quàm pro alijs, tum in Capitulis locorum, tum in cæteris præsertim Generalibus Capitulis, aut Cōgregationibus, seu alibi. Quicumq; secus fecerint, præter alias penas, & césuras hætenus contra huiusmodi ambientes inflictas, quas in suo robore permanere volumus, in pœnam priuationis officiorum, quæ obtinent, eo ipso incidant, & ad futura quæcunque pariter inhabiles habeantur, super quo cum eis dispensari à nemine possit, nisi à Nobis, vel Successoribus nostris, & pro qualitate culparum grauius etiam plectantur. Porro supradictas omnes pœnas ad complices, ac simpliciter scientes, & non reuelantes extendimus.
- 36 In Superiorum, & officialiū omniū electionibus forma præscripta à Sacro Concilio Tridentino, & Ordinis cōstitutionibus inuiolabiliter

- liter seruetur, iurentque electores secundū veritatē cuiusque consciētię probiores, ac magis idoneos se electuros, ac propterea priusquā ad electionē deueniatur, in primis & ante omnia prælegantur Constitutiones de qualitate, & requisitis eligendorum. Ad officia, gradus, & Prælaturas illi præcipuē eligātur, qui possint, & cōsueverint regulas Ordinis, & Cōstitutiones obseruare, præsertim quę pertinent ad seruitium chori, ac vestitum, & victum communem.
- 37 Eligantur in Capitulo Generali, vel Prouinciali aliquot graues, & periti ex fratribus cuiuslibet Prouinciæ, saltem tres, qui admittendos ad prædicationem verbi Dei, vel ad audiendas confessiones etiam ipsorum fratrum, ac Lectores publicos diligenter simul examinent, priusquam probentur, & ad huiusmodi ministeria admittantur. Horū etiā curæ sit examinare, & probare tā quoad doctrinā, quā quoad mores, promouēdos ad quoscūq; Ordines, in quo seruetur decretum Congregationis interpretum Sacri Concilij Tridentini, hac de causa nuper æditum, & promulgatum.
- 38 Illud porrò Superiores omnes in Domino admonemus, vt memores sint rationis, quam in Nouissimo die reddituri sunt pro Grege sibi commisso, ac propterea omni studio inuigilent, vt quæ in eorundem Ordinis, regulis, & Constitutionibus de oratione mentali, silentio, ieiunijs, Capitulo culparū, alijsque spiritualibus exercitijs prudenter, ac piē sancita sunt, ea omnia, & singula ad vnguem obseruentur; intelligentque super his veluti fundamētis omniū Religionū ædificia cōstruēda, & ampliāda esse, quæ vt faciliore exitum fortiantur, & fructus vberiores in animis fratrum producant, valdē opportunum erit, si in quolibet Conuentu, singulis hebdomadis habeatur sermo de religiōsa disciplina, regularique obseruantia.
- 39 Quò verò omnia ordinatè peragātur, appendatur tabella in loco conspicuo vniuscuiusque Conuentus, in qua distinctè adnotetur quid singulis horis cuiusque diei quilibet frater præstare debeat, vt certo quoque signo præmonitus, maiore animi præparatione suo muneris satisfacere possit. Quæ Ordinis constitutiones, his decretis non aduersantur, inuiolatè custodiendæ erunt.
- 40 Quibus horum decretorum capitibus certa pœna præscripta non est, arbitrio Generalis, vel alterius immediati Superioris infligatur. Vt autem hæc decreta ( donec alia, quæ ad pleniorē reformationem facient, ædantur ) ab omnibus obseruari possint,

sint, districtè præcipimus Generalibus, ac omnibus alijs quibuscunq; Superioribus, ad quos hoc spectat, vt curèt, ac efficiat, ea omnia inter alias eorundè Ordinū Constitutiones perpetuò valituras redigi, interdicta omninò eorū singulis facultate illas declarandi, & aduersus eas vnquã dispensandi. Alioquin sciant se in penã Generalatus, & officiorū priuationis, ac inhabilitatis perpetuæ, ad alia quoque munera ipso facto, & sine vlla exceptione respectiuè incidisse.

41 Nè verò prætextu dilate publicationis eorum obseruatio, quoquo modo differri possit, aut impediri, volumus, vt post illorum publicationem in Conuentu, vel Monasterio cuiuslibet Ordinis de Vrbe factam, Generalem, aliosque Ordinū Superiores, cæterosque quoscunq; fratres præsentés, statim; reliquos verò absentes citra Montes, vnius mensis, vltra Montes, trium mensium spatio ita arctent, ac si eorum singulis personaliter intimata fuissent.

42 Insuper mandamus, quòd Generales in singulis conuentibus citra montes, vnius mēsis; vltra verò montes, trium mensium cursu decreta supradicta publicari faciāt, sub pœna priuationis Generalatus, alijsque arbitrio nostro imponendis. Dat. Romæ apud Sanctum Petrum die 25. Mensis Iulij M. D. XCIX.

**D**ecretum illud, quo Fratres Romam petere cum Generalis, & Protectoris licentia dumtaxat permissum est, Sanctitas Sua extendi ad Prouincialem decreuit, ita vt Prouincialis ipse ex causa communi totius Prouinciæ dumtaxat facultatē huiusmodi facere valeat, Declarauitq; pœnam priuationis vocis actiuæ, & passiuæ contrafacientibus inflictam Sanctitati Sux reseruatam esse, interdicta omnino eorum Superioribus singulis, etiam Generali, ac Protectori facultate illam moderandi, ac relaxandi. Dat. Romæ die 20. Martij 1601.

## Decretum felicis record. Clementis PP. VIII.

*Super Casuum reservatione ab omnibus Regularium Superioribus obseruandum.*

**S**anctissimus Dominus Noster, qui iam pridem accuratè perpendit, ac re ipsa comperit, quòd reseruatio facultatis absoluendi Religiosos pœnitentes à peccatis quibusdam grauioribus, nisi Superiores admodum

admodū prudēter, ac moderatē illa vtantur, nonnullos infirmiores, qui interdū superiori suo conscientia maculas detegere formidant, adducere posset in æternæ dānationis periculū, & spiritualis remedij desperationem; Ideo, vt huic malo Sanctitas Sua opportunē prospiceret, decreuit: vt nemo ex Regulariū Superioribus peccatorū absolutiones sibi referuet, exceptis ijs, quæ sequuntur, aut omnibus, aut eorū aliquor, prout subditorum vtilitati expedire prudēter in Domino iudicauerint.

Veneficia, Incantationes, Sortilegia.

Apostasia à Religione, siue habitu dimisso, siue retento, quādo eò peruenerit, vt extra septa Monasterij seu Conuentus fiat egressio. Nocturna, ac furtiua è Monasterio, seu Conuentu egressio, etiam non animo apostatandi facta.

Proprietas contra votum paupertatis, quæ sit peccatum mortale, Iuramentum falsum in iudicio regulari, seu legitimo.

Procuratio, auxilium, seu consilium ad aborrum faciendum post animatum foetum, etiam effectu non sequuto.

Falsificatio manus, aut Sigilli Officialiū Monasterij, aut Conuentus, Furtum de rebus Monasterij, seu Conuentus in ea quantitate, quæ sit peccatum mortale.

Lapsus carnis voluntarius opere consumatus.

Occisio, aut vulneratio, seu grauis percussio cuiusq; personæ.

Malitiosum impedimentum, aut retardatio, aut apertio literarum à Superioribus ad inferiores, & ab inferioribus ad Superiores.

Si quod aliud præterea peccatum graue pro Religionis conseruatione, aut pro conscientia puritate referuandum videbitur, id non aliter fiat, quam Generalis Capituli in toto Ordine, aut Prouincialis in Prouincia, matura discussione, & consensu.

Non liceat Superioribus Regularium Confessiones subditorum audire, nisi quando peccatum aliquod referuatum admiserint, aut ipsimet subditi spontē, ac proprio motu id ab ijs petierint.

Superiores in singulis domibus deputent duos, tres, aut plures confessarios, pro subditorū numero maiori, vel minori; ijq; sint docti, prudētes, ac charitate præditi, qui à nō referuatis eos absoluant, & quibus èt referuatorū absolutio cōmittatur, quando casus occurrerit, in quocam debere committi ipse in primis confessarius iudicauerit.

Tām superiores pro tempore existentes, quā confessarij, qui ad Superioritatis gradum fuerint promoti, caueant diligentissimē,

ne ea notitia, quàm de aliorum peccatis in confessione habuerunt, ad exteriorem gubernationem vtantur.

Licebit tamen Superioribus determinare poenitentias graues quibusdam peccatis, etiam non referuatis à confessarijs imponendas, quæ subditos ab huiusmodi perpetrandis cohibere possint.

Atque ita per quoscumq; Regularium Superiores, quicumque illi sint, obseruari mandauit. Non obstantibus Constitutionibus, & Ordinationibus Apostolicis, ac cuiusuis concilij, etiam Generalis Decretis, necnon consuetudinibus, etiam ab immemorabili tempore obseruatis; aut Regulis in Generalibus, seu prouincialibus Capitulis editis, Statutis, & Constitutionibus etiam Apostolica auctoritate confirmatis, Priuilegijs, Indultis, & Concessionibus quibuscumq;, quorum tenores hic pro expressis haberi voluit, cæterisque in contrarium facientibus quibuscumque. Dat. Romæ apud Sanctum Petrum die 26. Mensis Maij Anno Domini 1593.

Sancitas Sua deinceps declarauit & declarat, vt si huiusmodi Regulariū Confessarijs casus alicuius referuati facultatem petentibus Superiori dare noluerit, possint nihilominus Confessarij illa vice poenitentes Regulares, etiã non obtenta à Superiore facultate, absoluerè.

## Formula concedendi facultatem pro Nouitijs ad Regularem habitum recipiendis in Monasterijs, & locis designatis.

**S**anctissimus in Christo Pater, & Dominus N. D. Clemens diuina prouidentia Papa Octauus cùm regularem disciplinam restituere, atque in pristinum statum reuocare maximè cuperet, regularesq; omnes, vitam, moresq; suos ad rationem eius instituti, quòd quisq; professus esset, ita componere, vt quæ ad votorū, vim, habitū, victumq; communem pertinent, ea potissimum singuli religiosissime obseruarent, generali decreto, quòd de mense Iunij editum, tertio Julij anni 1599. promulgatum fuit, Ordinum Religiosorum Superioribus, (nonnullis exceptis) prohibuit, ne aut Nouitios reciperent, aut quenquam ad professionem ante admitterent, quàm à Sanctitate Sua Monasteria aliquot ad eam rem præscripta essent, in quibus obseruantia Regularis vigeret. Nunc verò eadem Sanctitas Sua à loco  
rum

ruin etiam Ordinarijs, quibus id muneris demandauerat, certior  
facta, in infra scriptis Monasterijs, & Conuentibus Ordinis N. præ-  
finitum esse numerum dumtaxat eorum, qui vel ipsius Monaste-  
rij censibus, vel consuetis elemosynis sustentari ibi commodè pos-  
sunt, atque in ijs omnia fideliter obseruari, quæ sunt cum illorum  
professionis perfectione coniuncta, nempe castitatis, paupertatis,  
& obedientiæ vota, vnâ cum cæteris decretis particularibus, vel in-  
stituti ipsius, vel Pontificijs, etiam ad victum, vestitumq; communem  
spectantibus ( ipso decreto, vt supra, edito, & promulgato, nequa-  
quam obstante ) potestatem facit Superiori eiusdem Ordinis, Noui-  
tios recipiendi, educandi, atq; ad professionem admittendi; modò ta-  
men id ad præscriptum instructionis iussu Sux Sanctitatis editum, ne-  
que alio modo fiat. Quoniam verò ea est Sux Sanctitatis mens, &  
voluntas, vt in Monasterijs, & Conuentibus, ad alèdos Nouitios præ-  
finitis, regularis obseruantia perpetuò retineatur, mandat, & præ-  
cipit, vt in ipsis præscriptus iam personarum numerus in posterum  
seruetur, nullusq; omnino Superior cuiusuis conditionis, persona-  
rum, & Nouitiorum numerum augere præsumat, ea præna propo-  
sita, vt in omnibus priuatis officijs, vocis actiux, & passiuæ ius omne  
amittat. Vult denique Sanctitas Sua huiusmodi facultatem per Cõ-  
gregationem Reformationis Apostolicæ, hoc decreto Secretarij ma-  
nu subscripto concedi, non obstante decreto vt supra, promulga-  
to. Dat. Romæ die, &c.

Præscribitur verò numerus Sacerdotum . . ., Clericorum . . ., Noui-  
tiorum . . ., Conuersorum autem . . .

*N. Visitationis, & Reforma-  
tionis Apostolicæ Secretarius.*

## Decretū super forma recipiendi Noui- tios Regularium ad habitum, & professionem.

**S**ANCTISSIMUS IN CHRISTO PATER, & D. N. D. CLEMENS Diuina pro-  
uidentia Papa VI II, Qui aliàs pro Regularis disciplina testi-  
tutio-

urtione, singulis Regularium Ordinibus (quibusdam exceptis) prohibuit, ne ad Regularem habitum Nouitios in posterum reciperent, receptos uè ad professionem admitterent, quousq; in aliquibus cuiusuis Ordinis Monasterijs, seu Conuentibus, ( in quibus Nouitiatus pro recipiendis, & educandis Nouitijs designarentur, & approbarentur) ad eius, quam professi sunt, Regulæ præscriptum, vitam moresq; restituerent, & componerent; certior deinde factus quosdam omnium ferè Ordinum Cōuentus, seu Monasteria ad pristinam illam Regularem viuēdi formam, & disciplinam, quam diutiùs desiderauerat, fuisse redacta; in eisdem Monasterijs, & Conuentibus, vt Nouitiatus erigi, Nouitijq; recipi possent, ( sub certis tamen legibus, ac ea præsertim, vt licentia à Congregatione Reformationis Apostolicæ priùs obtenta esset,) concessit, & ad id illa designauit, & approbavit. Nunc uolens, vt ea, quæ pro Nouitiorum receptione, & institutione, de mandato Sanctitatis S. præscripta fuerunt, in posterum accuratiùs, & exactiùs obseruentur, ultra formam traditam in Constitutionibus fel. rec. Sixti Papæ V. & etiam Sanctitatis S. super receptione Nouitiorum, decreuit, ac præsentis Decreti uirtute mandauit, ne in Conuentibus, seu Monasterijs ad Nouitios recipiendos, de Sanctitatis S. uæ, seu dictæ Congregationis Reformationis licētia hætenus designatis, & approbatis, seu in posterum designandis, & approbandis, Nouitij ad habitum recipi ullatenus possint, uel admitti, nisi priùs ab ipsa Congregatione, uel à proprijs locorum Ordinarijs, aut ab illis, in quorum diocesi Nouitiatus existunt, in quibus Nouitij recipiendi fuerint, expressè, & nominatim Nouitij ipsi recipiendi approbati fuerint, & ut recipi, & admitti possint, licentiam in scriptis (gratis tamen in omnibus, etiam quoad scripturam, concedendam) obtinuerint. Monet autem Sanctitas Sua eosdem Ordinarios omnem curam, & diligētiam adhibere, vt circa ætatem, conditionem, educationem, scientiam, vitam, & mores, cæterasq; qualitates in ipsis Nouitijs requisitas, obseruentur Institutiones pro illis recipiendis ab eadem Congregatione Reformationis factæ, & publicatæ, Neq; aliter, nec alio modo aliquem ad habitum recipi permittant: Ordinarios ipsorum conscientiam onerando, si quempiam approbauerint, uel admitti permiserint, qui non sit idoneus, & iuxta Constitutiones, & Institutiones prædictas, approbandus, & admittendus. Firmis nihilominus remanētib; poenis omnibus contra Superiores quorumcumque  
Ordinum



Ordinum, qui, in admittendis ad habitum, & professionem Nouitijs, formam Constitutionum, & Institutionum prædictarum non seruaerint, aut Nouitium aliquem, quantumuis idoneum, & approbatum, in quouis alio Conuentu, & loco, seu Monasterio, præterquam in, hætenus à Sua Sanctitate, vel à dicta Congregatione designatis, & approbatis, seu in posterum designandis, & approbandis, vel ultra numerum in eorum singulis præscriptum, seu præscribendum receperint, vel admiserint, seu aliàs præmissis quouis modo, contrafecerint. Irritum ex nunc, & inane decernens quicquid fecus, vel aliàs, quouis auctoritate à quouis gestum, vel attentatum fuerit. Non obstantibus quibuscunque, &c. Dat. Romæ apud Sanctum Petrum, die 19. Maij 1602. Pontificatus eiusdem Sanctissimi D.N. Anno Vndecimo.

## Institutiones super receptione, & educatione Nouitiorum Religiosorum in Monasterijs, & Conuentibus designatis, vel designandis, Clementis eiusdem iussu editæ.

**C**Um ad Regularem disciplinam in singulis Religiosorum Monasterijs propagandam, Nouitiorum institutio maximè utilis sit, ac necessaria, & nihil ad grauem illam, ac laudatissimam priscorum Patrum viuendi rationem relaxandam maiorem vim habuisse compertum sit, quàm, vel nimiam in recipiendis Nouitijs facilitatem supra numerum, quem capere, atq; alere Monasteria ipsa possent, vel negligentiam in probando, & examinando eorum spiritu, an verè esset ex Deo, atq; ex præcipuo desiderio illi inseruendi, vel denique incuriam in eis educandis, atq; instituendis. Idcirco, vt huiusmodi incommodo deinceps occurratur, præcipitur omnibus, & singulis ad quos spectat, vt in recipiendis Nouitijs, & in eorū institutione, atq; educatione, necnon in magistris, & aliorum ministrorū electione, præter alia, quæ in Sacris Canonibus, ac Decretis præsertim Concilij Tridentini, Pontificijs, & cuiuscunq; Ordinis, aut Instituti Constitutionibus continentur, tam in aliàs designatis, quàm nunc, & in posterum ad hoc desu-

designandis Monasterijs, & Conuentibus, hæc quæ sequuntur, inuolantè obseruari, & exequi perpetuò curent.

Primum, quòd attinet ad Nouitiorum recipiendorum formam, vltra diligentem perquisitionem, quæ habenda erit de vniuscuiusq; natalibus, corporis habitudine, moribus, & vita ante acta, ac præcipuè eorum, qui sextum decimum ætatis suæ annum excedent, an criminosi, an ære alieno grauari, vel reddendæ alicuius administrationis rationi obnoxij sint, iuxta formam Constitutionis felicis record. Syxti Quinti, & moderationum subsecutarum: Illud èt Superiores, ad quos spectabit, sedulò perquirant, vt, quibus in Monasterijs, & Cõuẽtibus ex Apostolica facultate Nouitiatus fuerint instituti, in ijs ad religionè nullus in posterũ admittatur, qui, & ex honestis parẽtibus natus nõ sit, & condiciones Sacris Canonibus, Sũmorumq; Pontificum Constitutionibus præscriptas non habeat, iuxta Decretum super forma recipiendi Nouitijs, die 19. Maij 1602. editum.

Quisque recipiendus in aliquo Ordine regulari, etiam Mendicantium, in ea sit ætate constitutus, quam eius Ordinis, in quo recipietur, regularia instituta, & ordinationes requirunt; eam verò literarum scientiam calleat, aut illius addiscendæ spem indubiam præferat, vt minores, & suis temporibus, maiores Ordines, iuxta Decreta Sacri Concilij Tridentini suscipere valeat. Sed si quis annum vigesimumquintum excedens ad habitum regularem admitti postulauerit, & talis eruditionis expers inuentus fuerit, in Conuersorum tantum, quibus literarum scientia non est necessaria, numerum referatur; Ipsi autem Conuersi non recipiantur ante vigesimum ætatis suæ annum: & nisi saltem præcipua Doctrinæ Christianæ capita nouerint.

Demum Superiores diligenter exquirant, quò spiritu, qua mente, ac voluntate id regularis vitæ genus elegerint, quem sibi finè proposuerint, num zelo melioris frugis, ac perfectioris vitæ, & vt Deo liberius famulari possint, an potius leuitate, vel humano aliquo affectu, aut inordinato animi motu ducantur, & an eorum parentes opè, & subsidio ipsorum indigentes destituantur.

Prouideant quoq; vt omnes, etiam Conuersi recipiendi, priusquam ad habitum regularem admittantur, ab ijs quibus munus hoc incumbit, de regula, quam professuri sunt, tribus votis essentialibus, scilicet regulari, & alijs cuiusq; Ordinis peculiaribus institutis, & Constitutionibus diligenter instruantur. Et quia quarundam Religionum

moris

moris est, nedum Conuersos ad professionem admittendos, verum, & Oblatos, vt vocant, recipere, circa ipsorum Oblatorum receptionem vnaquæq; religio suas peculiâres Constitutiones, specialiaq; instituta obseruare tenetur.

Statim atq; Nouitij ad habitum recepti, & in locum Nouitiatus introducti fuerint, per generalem omnium peccatorum confessionem totius anteaçtæ vitæ conscientiam discutiant, & expurgent.

Quòd verò ad loci qualitatem vniuscuiusq; Nouitiatus spectat, locus huiusmodi propria clausura ab ea parte Conuētus, & Monasterij, in qua degunt professi, segregatus sit, atq; distinctus, habeatq; tot ad dormiendum cellulas separatas, quot erunt numero Nouitij, vel dormitorium ita capax, vt pro singulis singuli lectuli cōmodè sterni possint, in quo etiam cellula, vel certus, ac determinatus locus pro Magistro, eiusq; socio reperiatur.

In eo etiam, præter alias communes cōmoditates, aptus locus adsit ad spirituales collationes, seu conferentias faciendas, ac lectiones, instructionesq; Magistri audiendas, & in quem hiemis tempore ad calefaciendum se igne communi recipiant.

Oratorium insuper, seu Cappella, si commodè fieri poterit, ad Nouitios in spiritualibus, præsertim in cæremonijs, ecclesiasticisq; functionibus exercendos.

Hortus quoq; peculiaris ad honestam recreationem benè conclusus, atq; munitus adsit, sin minùs, hortum cæteris Fratribus cōmunè recreationis tempore ingrediantur. Ipsi verò Nouitijs ibi commorantibus, curabit Magister cum loci Superioris auctoritate ( si opus fuerit ) ne in eundem quisquam alius ingrediatur.

Ad huiusmodi locū Nouitiatus nemini eiusdè, vel alterius Ordinis regulari, etiã Conuentus, & Monasterij Officiali, vllò vnquàm tēpore sub quouis prætextu aditus pateat, præterquàm Magistro, eiusq; socio, ac etiã Monasterij, aut Conuentus Superiori, si quãdocunq; ingrediendū sibi necessariò existimauerit, quo tamè casu aliquē sēper ex senioribus Conuentus, vel Monasterij Patribus socium assumat.

Huius loci clausuræ clavis apud Magistrum semper asseruetur, illique soli liceat ex graui tantum causa ingressum illuc alicui permittere: si quis autem Nouitiorum quempiam alloqui voluerit, Magistro præsentè, & non aliter alloquatur.

Nouitiorum Magistro socius, si per Nouitiorum instruendorum

multi-

mul titudinem necessarius fuerit, vita, & moribus (quoad fieri poterit) consimilis deputetur, qui in his, quæ ad Nouitiatus regimen spectant, dicto Magistro immediatè subiectus existat, eliganturq; tam Magister, quàm socius per Prouinciale Capitulum, per triënum ad minus onus huiusmodi subituri. Quòd, si aliquo casu extra tempus capitulare noua loca Nouitiatus concedi contingat, tunc electionem Magistri Nouitiorum, & socij huiusmodi in his nouis locis per Generalem, vel Prouincialem, seu Ministrum, aut eorum Visitatores, seu Vicarios, de Diffinitorum tamen, vel grauiorum aliorum Patrum consensu fieri permittitur; idemq; seruetur, si intra triënum, alterum, vel vtrūque vrgēti aliqua de causa ex illis locis ammoueri, vel mori contigerit, in cuius, vel quorum locū alij consimiles subrogari debeant.

Tam Nouitiorum Magister, quàm socius ab ijs omnibus officijs, oneribusq; vacationem habeant, quæ Nouitiorum curam, & regimen impedire valeant. Ipse Magister sacerdotali ordine sit initiatus, ac in quinto saltē supra trigèsimū ætatis suæ anno cōstitutus, & per decennium à professione emissa in religione perstiterit: Socius verò trigèsimum annū excedat, sintq; ambo doctrina, & quantum per Superiorū diligentiam, & vires fieri poterit, vitæ etiā antea actæ exēplo præstantes, orationis præterea, & mortificationis operibus addicti, prudētia, charitateq; referti, nō sine affabilitate graues, zelū Dei cū mansuetudine præferētes, ab omni cordis, ac animi perturbatione, ira præsertim, & indignatione, quæ in se, & erga alios charitatē impedire cōsueuerūt, q̄ longissimè alieni, & tales demū, qui in omnibus seipos bonorū operū exemplum præbeant, vt ij, qui eorum curæ subsunt, illos non tam metuant, quàm reuereantur, nec illis vnquā detrahare quicquā possint.

Habeat etiam Magister plenam, & absolutam potestatem circa Nouitiorum institutionem, ac Nouitiatus regimen, ita vt in illis nemini (Visitatoribus, ac Superioribus maioribus, vel etiam localibus exceptis) quouis colore se ingerere liceat.

Curam adhibeat diligentem, vt Nouitij omnes in regulari disciplina sedulò exerceantur, agnoscantq; præcipuè diuinæ, qua digni facti sunt, vocationis præstantiam; & excellentiā, quæ vera sit atq; perfecta votorum solemnium, & quàm necessaria cuiusque Ordinis Constitutionum obseruantia, modum in oratione, tum vocali, tum mentali fructuosè persistendi, illicitas passiones, & vitia (ad quæ natura per peccatū labefactata omni tempore pronā est atq; procli-

uis) per sensuum custodiam, & mortificationem cohibendi, austeritatem, ieiunia, cilicia, disciplinas, conscientia puritatem, crebram illius discussionem, Sacramentorum frequentiam, confessionis praesertim, quae bis saltem singulis mensibus fiat, per aperitionem quotidianam motuum interiorum, cordis, & tentationum manifestationem, per exercitium humilitatis circa viliora ministeria, per modestiam in omnibus actionibus, diuturnumq; silentium.

Quilibet Nouitius bis quotidie orationi mentali, & vocali incubat, vnusquisq; secundum propriam capacitatem, & ordinem sibi à Magistro praescriptum, ac pluries in die propriam conscientiam vnusquisq; examinare contendat. Ipsi autem Magistro soli Nouitiorum confessiones audiendi cura committatur. Liceat tamen Superiori, et locali, si ita expedire iudicauerit, vel perseipsum, vel per alium ab eo deputandum, semel, aut bis in anno eorundem Nouitiorum confessiones audire.

Quotidie Missae sacrificio intersint, & statutis horis in Choro, nocturnis, diurnisq; diuinis Officijs assistant.

Exercitationibus etiam corporalibus vacent, legant, vel scribant res spirituales, modestam animi recreationem interponant, quae in solitario loco, & commodo extra Nouitiatum semel in hebdomada, vel in alternis saltem hebdomadibus longior statuatur, fiatq; semper Magistro praesente, vel socio, qui multum inuigilent, ne duo ab alijs commorentur disiuncti, atque eo tempore, cuiusque, in quam natura feratur, propensionem, scrutentur.

Non liceat eis, durante Nouitiatu, & probationis tempore, vnacum Professis, nisi in Choro, in Ecclesia tempore officiorum, in processionibus, aut in canaculo causa refectiois commorari, nec permittatur eis Professos domo exeuntes comitari.

Pro communibus, & proprijs cuiusque necessitatibus, quae accidere possunt, vnus ex Nouitijs ipsis, aetate, moribusq; prouectior deputetur, qui absente socio, Magistro permittente, omnia, prout opus fuerit, agat, cui etiam ianuae custodia, & rerum leuioris momenti prouisio intra nouitiatum committi poterit.

Cum autem, licet Clericorum bene instituendorum cura debeat esse praecipua, Conuersorum tamen religiosa instructio non sit praetermittenda, quin potius equanimiter amplexanda, quandoquidem satis exploratum est, istorum etiam, cum regulam profiteantur eandem, perfectam educationem, tum Religioni decorem, & orna-

mentum

mentum, tùm alijs Christi fidelibus edificationem, exemplum, atq; vtilitatem afferre: Conuersis ipsis à Clericorum Nouitiatu separatus ad dormiendum locus ( quantum commodè fieri poterit ) assignari præcipitur. Illi tamen hac separatione non obstante, Magistro Nouitiorum, seù Superioribus Monasteriorum, & Conuentuum iuxta, cuiusque Ordinis statuta, & Constitutiones subditi esse, & obedientiã præstare debebunt, à quo non tantùm circa corporalia obsequia probandi, & exercendi, verùm etiam, pro eorum capacitate, & commoditate, de spiritualibus, præsertim de modo mētāliter orandi, diligenter instruendi erunt, quod vt commodiùs fiat, ad Capitula, & spirituales Conciones, quæ per Magistros Nouitijs fieri solent, accersiri debeant, & in Ecclesijs statutis horis cōueniant, nisi tūc in suis offitijs actualiter occupati fuerint.

Tempore verò probationis elapso, ij tantùm, qui nō solùm religiosæ perfectionis capaces, sed ad laborem corporalem apti, nouo, ac diligenti examine reperti fuerint ( dummodo ætatis suę annum, quoad Clericos decimum sextum, quo verò ad Conuersos, vigesimum primum exceßerint ) ad professionem admittantur. Sed qui ad Conuersorum habitum recepti fuerint, ad Clericorum statum transire, etiam durante tempore probationis, non possint.

Superior cuiuslibet Conuentus, in quo Nouitiatus fuerit constitutus, particularem librum habeat, in quo vniuscuiusque Nouitij professio registretur, illamq; Nouitius professus propria manu, & duo testes, qui præsentés fuerint, subscribant.

Conuersus verò literarum ignarus, professus, in eorundem testiũ, qui se subicriperint, præsentia propria manu signum crucis apponat, asserueturq; liber, & custodiatur in Archiuio, vbi scripturę ad Monasterium, seù Conuentum pertinentes reponi consueuerunt.

Quia verò in quibusdam Ordinibus filiationis vsus est receptus, declaratur, quod licet decretum sit, vt Nouitijs educandis certa Monasteria, aut Conuentus designata quilibet Ordo habere debeat, licitum tamen sit Superioribus Monasteriorum, & Conuentuum huiusmodi Ordinum, in quibus filiationis vsus receptus est, eos, quos prænarratis qualitatibus suffultos repererint, in suorum locorum filios iuxta cuiusq; Ordinis constitutiones adscribere, sicq; adscriptos, cum iuxta præsentés Institutiones, & aliàs, seruatis seruandis, ad Ordinem recepti fuerint, ad loca Nouitiatum cum testimonialibus literis

literis transmittere, vbi tanquàm dictorum Conuentuum, seu Monasteriorum filij, eorundem nomine, & instantia recipi, ac in Nouitiatu probari, & deinde antequàm ad eadem Monasteria, seu Conuentus filiationis huiusmodi remittantur, in professorio ad perfectionem, vt præmissum est, exerceri debebunt.

Porro, ne loca vnius Monasterij, seu Conuentus ab alio præoccupentur, Capituli generalis, aut prouincialis partes erunt, numerum præscribere pro omnibus, & eam similiter rationem circa alimentorum contributionem ( si opus fuerit ) inire, ac singulis Conuentibus, & Monasterijs præscribere, quæ magis expedire videbitur.

Vt autem Nouitij iam in Professorum numerum ( sicut præmittitur ) recepti meliùs in bono spiritu, regularisq; disciplinæ obseruantia stabiliantur, & confirmentur, mandatur, vt statim post professionem emissam, si in Conuentibus, aut Monasterijs pro Nouitiatibus assignatis locus aderit secundi nouitiatus, siuè Professorij, ab ea, quæ Nouitiorum est, atq; antiquorum Professorum habitatione distinctus, & segregatus, ibi collocentur, si Monasterium, aut Conuentus eos alere queat, sin minus, in alium cõmodiorem Conuentum, aut Monasterium transferantur, in quo is locus cū requisitis ad Nouitiatum supranarratis reperiatur, vel accomodetur, aut de nouo construatur.

Ab hoc tamen illæ Religiones excipiuntur, quæ, suarum constitutionum, seu institutorum vigore maioris temporis cursus novos Professos intra Nouitiatum detinere consueverunt, quibus in hac parte non derogatur, illis tamen permittitur, vt, prædictis earum constitutionibus non obstantibus, id ipsum facere possint, si id rationi ac Religioni magis expedire dijudicauerint, quibus in locis degant sub regulis, & modo viuendi adhuc arctiori, quam seruent antiquiores Professores, ita quòd in negotijs Monasteriorum, aut Conuentuum non se intromittere, nec communibus tractatibus interesse, neq; alicuius exterioris obedientiæ officium exercere debeant, ibiq; permaneant, quousq; ad ætatem sacris Ordinibus suscipiendis sufficientem deuenierint, vel saltem per triënum post professionem, quo etiam tempore poterunt, quinimo, & debebunt literarum studijs operam nauare sub directione ac regimine Superioris, qui eas qualitates habeat, quibus Nouitiorum Magistrum præditum esse oportere dictum est.

Declaratur tamen, quòd propter præmissa non censeatur concessa licentia recipiendi Nouitios, nisi in locis pro Nouitiatu designatis,

aut

aut in posterum designandis, & pro numero dumtaxat in eorum singulis præscripto, vel præscribendo.

Denique si illi, qui inter Religiosos gradu, & ordine Superiores sunt, & alij, ad quos spectat, in prædictis omnibus, vel eorum aliquo deliquerint, seu quouis modo contrafecerint, officiorum omnium, quæ tunc obtinebunt, priuationem, grauioresq; pro modo admissæ culpæ poenas, se subituros certò sciant. Dat. Romæ apud S. Petrum die 19. Martij 1603.

# DECRETVM S. D. N. D. Pauli Papæ Quinti.

De certo Religiosorum numero cuicunq; Monasterio, Conuentui, ac Domui Regulari præfigendo.



Antîssimus in Christo Pater, & Dominus Noster, Dominus Paulus Diuina prouidentia Papa Quintus, Cùm ex plurimis, ijsq; grauissimis Decretis, quæ fel. recor. Clemens VI II. ad regularem disciplinam restituendam, & augendam condidit, illud maximi momenti esse animaduernerit, quod à Sa-  
cro Concilio Tridentino multò ante cautum etiam fuerat, vt is tantum Religiosorum hominum numerus in singulis Monasterijs, Conuentibus, & Domibus Regularibus constitueretur, qui, vel proprijs redditibus, & obuentionibus, vel consuetis emolumentis, ac elemosynis ali commodè possent; magnamq; fortasse obseruantia regularis iacturam inde factam esse, quòd Ordinum Superiores illud exequi nimium distulerunt: vt, hoc etiam adhibito remedio, huiusmodi incommodo prospiceret, aditumq; ijs Prælati Regularibus præcluderet, qui plures ad suam Religionem admittentes, quàm Monasteriorum & Conuentuum census, elemosynæ, & qualitates serant, non leuem subditis vitæ claustralis relaxandæ occasionem  
præbe-



præbere videntur, Deceuit, & præcepit, ac præsentis Decreti virtute præcipit, & mandat omnibus, & singulis Generalibus, Prouincialibus, Commissarijs, Ministris, Præsidentibus, Abbatibus, Prioribus, Præpositis, Guardianis, Vicarijs, & quibuscunq; alijs Superioribus Monasteriorum, Conuentuum, & Domorum, quouis nomine nuncupentur, Ordinum, Congregationum, & Institutorum, tam Monachorum, quàm Mendicantium, & non Mendicantium, Regularium quorumcunq; existentium intra fines Italiae, & Insularum adiacentium, vt singuli, ad quos pertinet, in qualibet Prouincia, adhibitis duobus, aut tribus Monacis, Fratribus uè sui Ordinis, vel Congregationis probatoribus; & rerum vlu peritioribus, bona immobilia, census, redditus, & prouentus omnes, consuetas item elemosynas, & obuentiones, tam communes Monasteriorum, Conuentuum, & Domorum eiusdem Prouinciæ, quàm etiam singularibus personis religiosis assignatas, seu permissas, in communem vsum, deinceps conferendas, decem annorum diuersorum habita ratione, diligenter, ac maturè recognoscant, ijs omnibus detractis, quæ reparaciones, præstationes, grandines, sterilitates, aliaue cuiuslibet generis onera consueuerunt absorbere; eaq; omnia scripto fideliter exarata idem Superior, cuius interest, in primo Capitulo, seu Cōgregatione Prouinciali coram tribus Iudicibus ab ipsomet Capitulo, vel Congregatione deligendis proponat, qui computatis huiusmodi redditibus, elemosynis, & obuentionibus vniuersis, ac oneribus, vt superius detractis, sedulo examinent, quot religiosi homines in vnoquoque Monasterio, Conuentu, & Domo regulari, iuxta regionis & proprii Instituti morem, victum, & vestitum in communi habentes competenter valeant sustentari; Tùm eorundem bonorum, reddituum, elemosynarum, & onerum præcisam notam ipsimet Congregationi, Capituluè Prouinciali exhibeant, vt in illo diligenter omnibus discussis, cuiusq; familiæ Conuentus, Monasterij, & Domus regularis quouis nomine nuncupatæ in singula quaque Prouincia certus earum tantum personarum numerus communi Patrum Capitularium voto præfigatur, quæ redditibus, elemosynis, & obuentionibus, vt superius, sufficienter ali possint. Ne verè Superiores, qui id præstare debent, seriùs, aut remissiùs, quàm par est, muneri suo satisfaciant; Mandauit, ac mandat Sanctitas Sua, vt infra annum à die dati præsentis Decreti computandum, omnia hoc de genere Capitula-

pitulariter gesta in autenticam formam redacta ad Congregationem Reformationis Apostolicæ singuli mittant, numerumq; familiæ singulorum Conuentuum, Monasteriorum, & Domorum huiusmodi regularium, Capituli vel Congregationis Prouincialis sententia, & auctoritate præfinitum iisdem Superiores Ordinum, Congregationum, & Institutorum quorumcunq; tam Generales, & Prouinciales, quàm locales omnes perpetuò seruare omninò teneantur: eos autem Superiores cuiuscunq; status, gradus, & conditionis existant, qui prædicta omnia præfixo termino non præstiterint, vel numerum huiusmodi præscriptum quouis modo augere præsumpserint, priuationis omnium officiorum, quæ tunc tēporis obtinebunt, vocisq; actiua, & passiuæ, ac ad omnia suæ Religionis officia, & gradus inhabilitatis perpetuam pœnam eo ipso incurrere, atque alijs etiam grauioribus ad Sanctitatis Suæ, & Successorum suorū arbitrium infligendis pœnis subiacere voluit, & declarauit. Vult præterea Sanctitas Sua per hoc Decretum eiusdem Congregationis Reformationis Apostolicæ Secretarij manu subscriptum, consuetisq; Almæ Vrbs locis affixum, & publicatum omnes, & singulos Ordinum Regularium Superiores, ad quos spectat, perinde affici, ac si fuisset cuiuslibet personaliter intimatum. Non obstantibus Constitutionibus Apostolicis, priuilegijs, statutis, indultis, nec alijs contrarijs quibuscunq;. Datum Romæ apud Sanctum Petrum die iiii. Decembris M. D. C. V. Pontificatus eiusdem S. D. N. Anno Primo.

3  
Ant. Seneca Refor. <sup>nis</sup> Apost. <sup>cz</sup> Secr.